

den sieg/ Gottes gnad vnd segen/ sein Wort vnd trost erhalten / was wolt ihr
mehr? Ist noch zu wenig/ so will euch Gott den Himmel vnd seine ewige
herrlichkeit darzu geben/ so ihr an seinen Sohn gläubet vnd recht thut/ Ps. 15.
das verleyh euch die Göttliche krafft vnd güte/ Amen.

Das vier vnd zwanzigste Capittel.

Beschluß vnd Vermahnung zur Buß.

Erdlich D Teutschland/ mein liebes Vaterland/ vnd sonderlichen ihr
meine außgewählte Glaubensgenossen / alle der Evangelischen Aug-
spurgischen Confession zugehörte respectivè Gnädigste/ Gnädige/ Groß-
günstigste liebe Geist- vnd weltliche Herren/ Freund vnd Brüder in Christo
Jesu / weil an stätiger rechtschaffener Übung wahrer Christlicher Buß/
glaubens/ gebets vnd liebe all unsere zeitliche vnd ewige wolffahrt gelegen ist/
Ist bey euch noch ein Füncklein der Ermahnung in Christo/ ist noch
ein Tröpflein in ewren Herzen des trostes der liebe / vnd nur noch
ein wenig fühlung der Gemeinschaft des Geistes/ ist nur noch eine
zuneigung der herrlichen liebe vnd barmherzigkeit gegen die arme
bedrangte Christenheit/ vnd ewr eigen Fleisch vnd Blut/ Weiber/
Kinder/ vnd Nachkommen/ ja begehret ihr / als Kinder Gottes/
warhafftig selig zu werden / vnd wollet euch nicht muthwillig in
allen zeitlichen schaden/ vnglück vnd ewiges verderben / leibes vnd
der seelen einstürzen: So erhöret mein demütigstes / vnd vmb
Gottes allerhöchsten barmherzigkeit / vnd der allerlieblichsten
heiligsten wunden/ bittersten schmerzen / vnd thewrsten todes sei-
nes Sohns willen/ die er für vns alle gelitten / hochflehnliches bit-
ten/ vnd wie Gott weiß/ herrliche thränen / vnd erfüllet meine
Freude/ das ihr mit mir eines sinnes seyt/ gleiche liebe habet / ein-
mütig vnd einhellig seyd fleißig zu hören / gehorsamb zu folgen/
vnd willig anzunehmen / die trewherzige Vermahnung vnsers
wolverdienten Reformatoris, des thewren Manns G D L Des
Herren Doctoris Martini Lutheri, welche er weyland gethan hat in
gegenwart Fürst Georgen von Anhalt vnd anderer gelehrten/ vnd in ach-
ten Theil seiner Bücher zu finden ist: also lautend: Die Papisten sind
toll vnd vnfinnig wider vns/ wollen ihre Lehre mit langen spiessen
vnd